

尔時功德莊嚴菩薩白佛言世尊如我今者

信解如來所說義趣後五百歲法欲滅時諸

發大乘衆生其不受此經法者將知是等為

魔所持墮佛法外世尊我今堪任如來滅後

受持此經欲令佛法久住世故尔時世尊為

囑累此經法故放大光明普照十方無量阿

僧祇諸佛世界彼諸如來亦為囑累此經法

故皆放眉間白毫相光普照十方一切世界

無不周徧說此經已如來以大神力放光明

時無量阿僧祇諸佛世界六種震動有無量

阿僧祇衆生發無上道心無量阿僧祇菩薩

得無生法忍復有無量阿僧祇菩薩得一生

補處善根又復過是無量阿僧祇衆生得聲

聞乘住學無學地佛說經已虛空藏菩薩大

德阿難諸菩薩大衆及諸聲聞諸天世人聞

佛所說皆大歡喜

大方等大集經卷第十六

十七末

國一

大方等大集經卷第十七

國二

北涼天竺三藏曇無讖於姑臧譯

無言菩薩品第六

尔時世尊故在欲色二界中間大寶坊中與

諸大衆圍遶說法時王舍城師子將軍家產

一子當其生時虛空之中多有諸天作如是

言童子當應念法思惟於法凡所發言莫說

世事常當班宣出世之法常當守口慎言少

語莫於世事起諸覺觀當依於義莫依文字

尔時童子聞是語已不復啼泣無嬰兒相乃

至七日期貌和悅見人歡喜目未曾眴是時

有人語其父母是兒不祥不應畜養何以故

瘖無聲故父母答言是兒雖復瘖不出聲然

其身相具足無缺當知是兒必有福德非是

不祥薄福之人因為立字字曰無言時無言

童子漸漸長大如八歲兒所遊方面人所樂

見隨有說法轉法輪處樂往聽受口無所宣

尔時無言童子以佛神力與其父母眷屬宗

親往寶坊所到已見佛心生歡喜禮敬供養
右遶三匝合掌而立并見十方諸來菩薩生
大喜心尔時舍利弗白佛言世尊師子將軍
所生之子身根具足而不能語是何惡業因
緣所致佛告舍利弗汝今不應作如是語輕
是童子何以故是人即是大菩薩也已於無

量無邊佛所種諸善根不退轉於菩提之道
是兒生時多有諸天來戒勅之善哉童子當
念正法思惟正法無得宣說世間之事常當
班宣出世之義常當守口慎言少語莫於世
事起諸覺觀當依於義莫依文字舍利弗如
是童子從天教誨是故無語默然思惟獲得

四禪舍利弗無言菩薩示如是身則能調伏
無量衆生是故默然無所宣說舍利弗我今
說是大集經典無言菩薩當於此中能大利
益無量衆生時無言菩薩以已願力神通道
力令諸天龍夜叉乾闥婆阿脩羅迦樓羅緊
那羅摩睺羅伽比丘比丘尼優婆塞優婆夷

各自見其右手之中有大蓮華猶如車輪色
香見足微妙第一人所樂見一一華臺有一
菩薩結加趺坐三十二相八十種好莊嚴其
身尔時無言菩薩現如是等大神通已低頭
合掌作如是言南無佛陀南無佛陀諸蓮華
臺中一切菩薩亦復如是同作是言南無佛
國大集十七

陀南無佛陀發是言已十恒河沙等世界大
地六種震動虛空諸天以妙香華種種伎樂
供養於佛尔時無言以佛神力及已願力與
諸菩薩踊在虛空高七多羅樹正向於佛而
說偈言

如來無色示現色 亦復於色無染著

若有衆生入佛法 云何當知真實色
非色聚中有如來 亦不離色有如來
如來已離諸色聚 哀愍衆生故示色
如來哀愍衆生故 以諸相好莊嚴色
實無色相爲衆說 是故如來難思議
如來正法無文字 離文字已無有聲

無有文字無可說 甚深寂靜無有覺
 如佛先在菩提樹 所覺諸法亦如是
 此法無字無音聲 亦無造作無可說
 如是諸法無相貌 亦以遠離一切相
 一切諸法若無相 如來云何而演說
 如來具足大慈悲 是故憐愍為利益

不可說法而演說 亦知真實不可說
 如來了知不可說 亦知音聲性空寂
 真實了知一切義 是故名佛真實覺
 所說之法名世諦 如來真實覺知之
 世諦不出無有性 不可造作無有期
 真實無有色相貌 為眾故示種種色

目

六集第十七

三

知法無法無上尊 為眾生故而演說
 我初生時受天語 是故默然無所說
 至心念法思惟法 是故不見色與聲
 若得入於深法界 尔時則無色聲等
 若能遠離於心業 即得遠離於口業
 無有言說即是語 雖復言說亦無語

語亦非作亦非說 言語本性寂靜故
 我今至心念菩提 亦復至心修其道
 我今說是無上語 亦當定得真實道
 我心不得菩提道 口及口行亦不得
 無上菩提即是空 其性本來常寂靜
 如菩提性聲亦尔 不見不取法性故

我聲如是不可見 所求菩提亦如是
 為菩提故有修行 是行亦無所至處
 是行如是無至處 是故菩提處非處
 六波羅蜜如菩提 一切善法亦如是
 一切語言無語言 於無語中能說語
 若有惠施妙音聲 惠施之主及財物

如是等施即菩提 一切皆悉不可說
 若是布施可口說 菩提體亦應可說
 菩提之性如虛空 一切音聲亦如是
 若有心能真實知 知已亦能宣說聲
 隨知是聲何處滅 即是菩提真實相
 若能遠身口意業 一切煩惱亦復然

即是一切波羅蜜
惠施不在菩提中
如是二法即音聲
若有能知如是等
若於施時不生慢
護持禁戒即是聲

如來所說實法性
菩提不在惠施中
亦無所住無至處
即是真實大菩薩
即是無上大施主
無有形色無至處

諸法不生及不滅
如是禁戒無能作
若不出滅不造作
為流布故出音聲
如諸禁戒聲亦介
口之所說為戒故

即是無上持戒相
亦復無身口意業
云何可說是禁戒
衆生立名名禁戒
如是二法俱無漏
而設種種諸莊嚴

目

大集十七

音聲實無諸莊嚴
身業口業及心業
禁戒音聲及菩提
若有能作如是知
即能得到戒彼岸
說忍音聲即是空

真實知之無所有
能迴此戒向菩提
如是二法如虛空
是人即行戒行處
彼處甚深難得見
空性無處無造作

忍辱與空是二法
忍辱之聲非色作
若有修習平等心
忍辱雖復念念滅
一切文字皆無漏
若有能調身口意

無有差別如虛空
不可覩見無處所
即是忍之真實相
而與色身常共行
衆生立名名忍辱
即是無上之忍辱

若有能忍忍辱者
若有衆生碎其身
觀身猶如乾草木
若聞惡口罵詈時
觀察音聲如虛空
若能通達煩惱因

是亦即是無上忍
節節壞末如胡麻
是則名之為身忍
其心不動如法住
即是無上之口忍
遠離一切諸煩惱

是則名之為心忍
如忍則是菩提性
若能迴是向菩提
若有衆生勤精進
於無量劫修習之
若不獲得精進者

不為一切煩惱汗
身口意業亦如是
是則名為得菩提
上中下等及麁細
無所獲得無畢竟
是故菩提名無得

目

大集十七

五

若能不得一切法 即是無上勤精進
 若有知是精進者 不增不減如虛空
 如是即是大菩薩 勤行精進無所畏
 一切諸禪無有聚 無有造作無至處
 若有思惟一切法 即是息禪波羅蜜
 遠離一切諸惡色 惡身惡口亦復然
 能焦一切諸煩惱 即是真禪波羅蜜
 若能觀心真實性 一切法中亦不見
 若能無心遠離心 即是真禪波羅蜜
 若能觀心及菩提 即是無上真實見
 若有如是真實見 獲得菩提不為難
 若能知見無文字 一切諸法無生滅
 若作如是觀見者 是即名為大智慧
 雖復口說於智慧 智慧亦不住口聲
 若知口聲實無聲 即是智慧之真性
 若法無有此彼任 中間亦復無任處
 一切法性無任處 即是無上大智慧
 無有文字無有行 無有相貌無有性

無有取捨等二相 是名無上大智慧
 若觀一切波羅蜜 其性平等如虛空
 是即名為無平等 能觀一切法平等
 若能平等一切法 亦能觀於衆生等
 悉能等觀一切佛 所得智慧無平等
 若諸菩薩有智者 能觀如是無等法
 即得無上菩提果 猶如先佛之所得
 無言菩薩說是偈時萬二千那由他衆生發
 阿耨多羅三藐三菩提心六萬菩薩得無生
 忍時華臺中諸菩薩等悉從座起頭面禮佛
 以妙蓮華恭敬供養無言菩薩口宣是言我
 是知恩我今報恩時舍利弗言世尊如是菩
 薩何因緣故發如是言我是知恩我今報恩
 佛言舍利弗如是菩薩皆悉因於無言菩薩
 發菩提心是故說言我是知恩我今報恩今
 復因於無言菩薩聽受如是大集經典并來
 觀見供養於我今時無言菩薩白佛言世尊
 我有所疑今欲啓請唯願如來哀愍聽許佛

因大集十一

六

言善男子隨意致問當為汝說時舍利弗語
無言菩薩仁者若無言語云何得問大德一
切諸法皆悉無言無字無說何以故一切衆
生性無言故以覺觀故而有聲出若無覺觀
云何有聲云何可說云何有字大德夫覺觀
中無字無聲離於覺觀亦無聲字覺觀之體

即非覺觀我作文字亦不覺觀我因覺觀有
大功德若能觀於如是深法是則名為十二
因緣若從緣生即是空寂則無定相若有如
是真實知者即是真實知於法性大德諸法
悉從因緣和合而和合中實無作者生者出
者是故諸法無主無音無聲無心無有覺觀
非無覺觀何以故顛倒因緣而有出滅是故
若有問者聽者及解說者不合不散一相無
相大德夫問難者即是大悲我有大悲是故
問佛如是問者即是悲問非口問也夫口問
者是聲聞問聲問著聲故名聲聞菩薩慈悲
故無口問舍利弗言善男子若一切法性無

定者一切衆生性亦無定若無定者菩薩為
誰而修悲心大德若諸衆生有定性者一切
菩薩終不修悲一切衆生實非衆生以顛倒
故作衆生想是故菩薩修習悲心為壞顛倒
宣說無我大德菩薩摩訶薩不為壞有而說
正法不為壞我壽命士夫而修慈悲宣說正
法為知真實深法界故而宣說法真法界者
即空三昧無相無願舍利弗言善哉善哉善
男子我亦如是真實了知所以相問試汝智
耳為令佛法增長故問為欲利益衆生故問
爾時無言菩薩白佛言世尊如經中說有二
因緣能生正見所謂聞聲及善思惟唯願哀

愍為諸菩薩廣宣說之云何聞聲及善思惟
生於正見佛言善男子至心諦聽吾當為汝
分別解說善男子為善提心而聽法者即是
聞聲至心憶念菩提之心是善思惟觀菩薩
心是名正見復次善男子為善提道而聽法
者是名聞聲不遠離道是善思惟如法而住

是名正見為調伏心而聽法者是名聞聲遠
 離惡心是善思惟獲得善心是名正見為嚴
 善法而聽法者是名聞聲修習莊嚴是善思
 惟願向善提是名正見為聽善法是名聞聲
 增長善法名善思惟願向善提是名正見為
 聽惠施是名聞聲能捨一切是善思惟不求

果報是名正見為聽戒聚是名聞聲至心護
 戒名善思惟願向善提是名正見為聽法忍
 是名聞聲打罵不報是善思惟願向善提是
 名正見為聽精進是名聞聲破壞懈怠是善
 思惟願向善提是名正見為聽三昧是名聞
 聲能淨身心是善思惟願向善提是名正見

為聽智聚是名聞聲聞已正觀是善思惟願
 向善提是名正見聽四攝法是名聞聲攝取
 衆生是善思惟知是攝法無取無作空無所
 有是名正見聽五通法是名聞聲得身心輕
 名善思惟願向善提是名正見聽四無礙是
 名聞聲修習無礙是善思惟願向善提是名

正見聽四依法是名聞聲勤修四依名善思
 惟願向善提是名正見聽三十七品是名聞
 聲若演說念則四念處說於捨離謂四正勤
 處說於定聚謂四如意說無所畏謂諸根處
 說無能壞謂諸力處說離煩惱謂七覺分說
 真知法謂八正道是善思惟不著斷常以如

因大集十七

是道願向善提是名正見聽四諦法是名聞
 聲知苦離集證滅修道是善思惟見如是法
 不生不滅是名正見聽三解脫是名聞聲信
 空三昧不畏無相不疑無願是善思惟以如
 是法願向善提名為正見修空三昧調心明
 見修習無相為除覺觀修習無願為求諸有

是名正見聽發心法是名聞聲修菩提道是
 善思惟其心不退是名正見得善知識是名
 聞聲供養親近名善思惟受其教誨是名正
 見聽於法界是名聞聲觀於法界是善思惟
 如法而住是名正見見佛世尊名為聞聲念
 諸菩薩名善思惟得畢竟道是名正見初聽

八萬四千法聚是名聞聲觀諸衆生如是行處是名思惟調伏八萬四千諸根是名正見善男子隨何因緣能生善法是名聞聲聞已不離諸善因緣名善思惟以如是法願向善提是名正見善男子如是二法無有差別謂善思惟及以正見何以故一切諸法平等無

二是善思惟能觀平等是正見故無增減者即是正見無取捨者即是正見無作作者即是正見無覺觀者即是正見無念念處即是正見無作無思即是正見無一無二即是正見一門一味一乘一行其性是一無諸煩惱憍慢等結無聞無說無垢無淨法界之性不

因大集十七

九

可分別如如不動三世平等無我我所無有衆生壽命士夫無字無聲不可宣說不知不見一切法中得知足心遠離諸相斷一切喜覺觀屋宅乃至讚佛不生佛相若入定時觀如是等甚深法界名善思惟從定起已爲諸衆生宣說如是甚深法界是名正見說是法

時十千菩薩得是正見今時舍利弗語無言菩薩言善男子從誰聞法而得正見無言菩薩言大德若有不得去來現在菩提心者我從彼聞而得正見觀三世等一切法等於一切法不生覺觀其心不住有爲無爲遠離一切衆生之相而爲衆生修諸苦行亦復遠離

二種之相一衆生相二者心相遠離二節知實法性實法性者無有有有通遠一切諸佛深法不生憍慢自言我知大德我從是人聽受正法是人亦不宣說一字亦令一切而樂聞之知法真實不可宣說爲衆生故而宣說之出於世間不爲世汙畢竟修習無有能知修與不修我從是人聞受正法住於法性於衆生性不生分別觀衆生性法性空性皆悉平等我於如是人邊聞法是人坐菩提樹下不起不行不眠不卧不睡不覺而得菩提得菩提已終不作相言得菩提一切衆生亦不知彼獲得菩提無得乃得故無得相大德

夫正法者無有光明無光明者即無處所無處所者即是無身無身者即是無畏無畏者即是不出不出者即是不生不生者即是不滅不滅者即是不著不著者即是不動不動者即是不變不變者即無駛無閻無駛無閻即無覺觀無覺觀者即是無世無世者即是

無器無器者即是無貪無貪者即是性淨性淨者不合煩惱不合煩惱者不顛倒不顛倒者即是平等平等者即是真實真實者不生不滅不生不滅者名從因緣從因緣者即不去來不去來者即無境界無境界者即是無句無句者即是不狂不狂者即是無聞無聞

者即是無作無作者即是無住無住者即是無字無字者即是無相無相者即是過於心意識句過心意識即是寂靜寂靜者即是無熱無者即是無瞋無瞋者即是畢竟畢竟者即是無有無有者即是涅槃是名為法大德即是正法即是說法即是聞法即是正見大

德夫正見者不見於身身行病行不見於見不生貪著不覺不觀是名佛法聖見正見復次大德觀無明愛與解脫等無有差別是名正見如是見已不著不取是名聖見復次大德觀貪恚癡空無相願平等無二不見於相見無相相是名聖見不觀一二等一切法名

聖正見復次大德若能觀我及眾生等眾生等故如來平等如來等故佛法平等佛法等故聖眾平等聖眾等故大慈平等慈平等故虛空平等以不住住如是平等名聖正見大德如一切法聲亦如是如聲即是聖見即是正見大德聖正見者亦無生出若無生出從

誰聽法舍利弗言如我解仁所說義者一切諸法無所語言大德如是如是一切諸法實無言語善男子若言如來成就功德如是言中得何等罪大德若如是說當知是人有大過咎何以故如來功德不決定故所以者何無福無罪故名如來若觀如來有功德者是

大集十七

十一

名爲欲夫有欲者即是大欲有欲大欲即是過欲善男子云何得名無過咎耶大德如第五大如第七情如十九界無出無入無生無滅無有造作無心意識乃名無過若有知見遠離證修是名罪過若有諸界是名罪過若無諸界是名無過尔時佛讚無言菩薩言善哉善哉善男子如汝所說即是善說說是法時萬二千菩薩得無生法忍無言菩薩復白佛言世尊如佛所說菩薩摩訶薩有四種力所謂信力進力念力慧力唯願如來廣分別說云何名爲菩薩四力佛言善男子至心諦聽吾今當說若有菩薩於佛正法深信順解不作疑心是名信力若勤精進求於佛法不休不息不生疑悔是名進力若有菩薩求於善法得已不失念善提心所作善根願向善提是名念力若有菩薩內自思惟不隨他語了知法性是名慧力復次善男子若有信心親近聖人是名信力若能供養如是聖人是

名進力至心聽受聖人之言是名念力聞聖法已如法而住是名慧力復次善男子信業果者是名信力既生信已不作諸惡是名進力過去善業現世猶增是名念力若知諸法有因有果是名慧力復次善男子若信心法不可說者是名信力若因此信能調伏心是名進力若能至心是名念力觀法如幻是名慧力復次善男子若見法空是名信力若斷雅見是名進力若見內外悉皆空寂不生怖畏是名念力若能觀見第一義空是名慧力復次善男子若能觀見無相無願是名信力爲他演說無相無願是名進力至心觀察無相無願是名念力了知是法不可宣說是名慧力復次善男子能一切施不求果報是名信力施已不悔亦不休息常行不絕是名進力施時至心念於善提發願迴向是名念力不觀財物受者施者及以果報是名慧力復次善男子若有受持清淨禁戒不求果報是

大方集經十七

十三

名信力不生煩惱毀壞禁戒是名進力如是
淨戒至心護持願向善提是名念力觀身口
意如水中月響幻炎等是名慧力復次善男
子若有修行忍辱之法不求其果是名信力
若有打罵能默受之是名進力為忍辱故修
習慈悲及不放逸願向善提是名念力觀身
口意都無所忍是名慧力復次善男子若有
了知勤精進故得阿耨多羅三藐三菩提非
懈怠得是名信力若能調伏一切眾生護持
聽受供養正法能為眾生趨走給使能淨佛
土是名進力能令眾生遠離懈怠勤修精進
願向善提是名念力若修精進不增不減是
名慧力復次善男子若樂寂靜離說世事是
名信力若住空寂獲得四禪及八解脫是名
進力若於諸禪無有退失是名念力若觀諸
禪無常若無我是名慧力復次善男子若聞
一切諸波羅蜜三十七助善提之法信不生
疑是名信力聞已轉為眾生演說是名進力

心善思惟是名念力如法而住是名慧力復
次善男子為諸眾生修習慈心是名信力憐
愍眾生令其離若是名進力觀察法已心得
大喜是名念力於怨親中其心平等修習大
捨是名慧力復次善男子觀察是身無量眾
惡之所成就誑惑凡夫猶如幻相是名信力
受死若時專心繫念佛法僧寶不惜身命是
名進力亦不生於諸惡之心聲聞辟支佛心
貪心瞋心癡心妬心慳心毀戒心是名念力
若觀法界分別法界觀無礙智亦知過去未
來現在是名慧力復次善男子喜者名信不
退轉者名為精進不狂亂者名為念力了了
知者名為慧力復次善男子以信力故能有
所作以進力故事得畢竟以念力故無所漏
失以慧力故能如法說復次善男子觀疑網
故名為信力遠離疑故是名進力更不生疑
是名念力說能壞疑是名慧力復次善男子
信佛法者是名信力為善提故而修行之是

大方集十七

十三

名進力得順忍故是名念力得無生忍是名
慧力善男子信根信力無有差別進根進力
念根念力慧根慧力亦復如是說是法時百
千菩薩得無生忍地四萬二千衆生發阿耨
多羅三藐三菩提心是時會中有一菩薩名
曰蓮華語無言菩薩言善男子汝向問佛佛

即爲汝分別解說汝心喜耶無言菩薩言善
男子我亦不問不聽一法云何生喜蓮華菩
薩言善男子汝於佛所不聽法耶無言菩薩
言諸佛如來都無所說我云何聽何以故我
非法器故蓮華菩薩言汝今若非是法器者
是何等器無言菩薩言善男子我身今者尚
非法器況復餘器蓮華菩薩言汝若非是真
法器者云何當得阿耨多羅三藐三菩提無
言菩薩言善男子阿耨多羅三藐三菩提亦
非是器善男子若離佛法有菩提者當知有
器一切佛法即是菩提菩提即是佛法善男
子是故我若遠離煩惱不見佛法不見菩提

煩惱菩提及以佛法無有差別若煩惱中見
菩提者即是如見若離煩惱有菩提者是名
倒見蓮華菩薩言善男子云何名倒見見我
壽命士夫摩訶離是之外別有貪欲瞋恚愚
癡是名倒見一切法性及菩提性無有差別
無作無受我性衆生壽命士夫摩訶離即是貪
目六集十七 十四

欲瞋恚愚癡如是等法即是菩提是名如見
即四大中及四大造求於菩提不餘處求云
何名求求時不見一切諸物不見者即是無
處無處者即是無住無住者即是一切諸法
之性一切諸法若無性者即是實相實相者
非常非斷名畢竟節若有能見如是等節當
知是人 不流不散不流不散即無生滅即是
涅槃即是真如一切諸法若如是等得涅槃
者即是聖句入於涅槃是故如來於經中說
自不調伏能調伏他自不解脫能解脫他自
不寂靜能寂靜他自不涅槃令他涅槃無有
是處若自調伏令他調伏若自解脫令他解

脫若自寂靜令他寂靜若自涅槃令他涅槃
 斯有是處善男子菩薩摩訶薩修菩提道解
 了一切衆生所行於諸法相及以法界不生
 分別修行一切善法之時亦不見有諸魔徒
 衆雖求佛法不見求者雖調衆生不見我人
 雖行諸法煩惱不汙雖順世法世法不染負

五陰擔亦無住處遠離諸界不動法界修解
 脫法門不退善法明見三界不離煩惱行檀
 波羅蜜不生憍慢乃至般若波羅蜜亦復如
 是隨一切行實不行於一切諸行若能修行
 如是等行當知即是行菩提道於菩提道及
 菩提行不生分別若行如是菩提道行於諸

目大集卷七

十五

法中不見有我無貪無瞋無親無怨無有障
 礙若無障礙即無為行若無為行即是真實
 大菩薩也蓮華菩薩言善男子何因緣故名
 為菩薩善男子能覺衆生所不覺者故名菩
 薩能悟無明睡眠衆生故名菩薩演說隨順
 菩提之法故名菩薩能令衆生深樂寂靜是

名菩薩增長佛語堅正法幢護念聖衆於菩
 提心無有動轉不住聲聞辟支佛心終不捨
 離至誠之心發願畢竟能度未度能解未解
 為無歸依能作歸依能滅未滅能調煩惱不
 脫煩惱觀生死過亦求諸有修空三昧不捨
 衆生修習無相不捨菩提相修習無願深樂

諸有雖樂佛法於貪無貪知有為法多諸罪
 咎而其內心不捨有為雖離諸闇不得大明
 得大智慧以為器甲深樂惠施嚴施瓔珞淨
 佛世界具足淨戒具足誓願具足忍辱能調
 一切不忍衆生勤修精進求無壞身能壞欲
 界樂受有身雖受諸有其心不悔善知方便

常自調伏求於菩提為諸衆生修習慈心為
 壞衆苦修習悲心為調不調修習喜心非畢
 竟捨修習捨心通達了了解甚深義非諸聲
 聞緣覺境界依於義法了義經智不依世法
 亦為衆生而作依止為諸衆生莊嚴身口如
 說而作莊嚴於心為諸衆生莊嚴神通利益

衆生猶如大地能淨一切猶如大水燒諸煩惱猶如熾火於法無礙猶如猛風於法平等猶如虛空得陀羅尼持一切聞樂說無礙令衆喜聞至心念佛爲淨心故能大法施斷食施故正命自活威儀清淨修無諍三昧深樂寂靜樂調衆生離說世語見樂世者呵責教

誨具七種財其心柔軟樂行惠施堅固不退眷屬不壞親近善友知恩報恩觀過去業隨衆生意能壞疑心觀察生死多諸過咎所作至心解一切語修習大乘不疑三乘衆生樂見隨問而答得無礙智諸佛所念時節語不多語光明清涼猶如秋月善法具足猶如滿

月衆生樂見猶如朗月增長善法猶如初月一味甘怡如月一味觀一切法如水中月清淨無垢如月無翳易共語言諸根具足於一切法猶如橋梁能度衆生於四駛水爲諸衆生營作佛事其心初不動菩薩界以如是義故名菩薩尔時蓮華菩薩白佛言世尊無言

菩薩作如是說當知不久得阿耨多羅三藐三菩提轉於無上法寶之輪若有能信受持如是無言菩薩所說法者亦復當得如是功德佛言善哉善哉善男子如汝所說無言菩薩得慧燈三昧是故若欲於無量劫說一句義不可窮盡蓮華菩薩言世尊唯願如來垂

務哀愍增長衆生諸善法故莊嚴無上大集經故少爲大衆開示如是慧燈三昧若有智慧菩薩聞已亦當獲得如是三昧得已亦當疾得阿耨多羅三藐三菩提佛言善男子至心諦聽吾當爲汝少分別說言慧燈者即是智燈智燈者即是破闇無闇者即是破疑破

疑者即是慧燈慧燈者即是諸法無二相也善男子了了智不疑智不失智不挽智不隨智無闇智聖智猛利智捷疾智分別智廣大智純一智種種智過去智未來智現在智三世平等智三界智三解脫門智三慧智三寶智三乘智三眼智三垢智三澤智三聚智心

國大集十七

十六

國大集十七

十七

意識智陰入界智因緣和合智見畢竟智如法界智自相智第一義智方便智一切聲語智一切字智無礙智語不壞智能說法智知下中上根智無作無受智一切呪智一切醫智一切世事智莊嚴陀羅尼智日月三昧智入三昧智聖智聖三昧智金剛三昧智無諍三昧智心等三昧智壞魔三昧智日光三昧智無想三昧智寶幢三昧智一切法門三昧智一切法器三昧智無邊光三昧智福德三昧智無住二昧智樂見三昧智善見三昧智無盡器三昧智畢魔盡智一切智無動智那羅延三昧智一切見智如是等六萬三昧門智我於往昔見然燈佛即得如是等諸三昧門如是等三昧門一切悉是慧燈三昧之所攝持善男子譬如日出能為四事一者有大光明二者除滅闇冥三者示種種色四者令諸衆生得造事業菩薩摩訶薩住是三昧亦復如是能為四事一者破壞一切煩惱闇冥

二者出大慧光三者示諸衆生種種諸行四者闡示衆生道非道等善男子譬如淨寶之珠置之高幢其明遍照四由旬所施諸衆生所須之物而珠體相無有增減慧燈三昧亦復如是住是三昧菩薩摩訶薩永斷一切煩惱習氣淨戒淨定淨慧身心淨於方便淨陀羅尼修習大悲放大光明遍照無量諸佛世界隨衆生意而作事業菩薩雖作如是諸事而其相性無有增減善男子譬如虛空容受佛土無有障礙亦不障礙一切雨滴風火水災一切衆生無量無邊善男子慧燈三昧亦復如是住是三昧諸菩薩等為諸衆生說一切法無有障礙方便教化一切衆生為因力者演說方便示其解脫調伏成熟為邪定者方便演說令壞邪定無善子者令種善子無法器者令作法器為法器者分別宣說阿耨多羅三藐三菩提求聲聞人方便說法令其獲得四沙門果求緣覺人方便教誨令其獲

得四沙門果

十六

得辟支佛道復為方便說法漸進令其悉發
阿耨多羅三藐三菩提心住不退地通達八
萬四千法聚為壞衆生疑網心故種種開示
分別解說解說一事於無量劫不可窮盡雖
作如是無量之事而是三昧亦無增減善男
子譬如一燈力能顯示種種諸色慧燈三昧

亦復如是於一心中能於無量諸佛世界示
種種色而是三昧無有傾動是故四念處中
法念為頂四正勤中未生善法能生善智名
之為頂四如意中身心寂靜名之為頂五根
力中慧根慧力名之為頂七覺分中擇法為
頂八正道中正見為頂一切外道所有舍摩

他毘婆舍那名之為頂四真諦中滅諦為頂
四依之中依義為頂四無礙智義無礙智名
之為頂六神通中漏盡為頂四無量心悲心
為頂修梵行中智慧為頂諸波羅蜜般若為
頂一切方便知衆生心名之為頂一切諸力
處非處力名之為頂諸無畏中初名為頂不

共法中無礙為頂三十二相無見頂相名之
為頂八十種好不空說法名之為頂莊嚴口
中解一切語名之為頂莊嚴心中破慢為頂
一切法中智慧為頂是名慧燈三昧說是法
時蓮華菩薩及萬菩薩得是三昧三千大千
世界大地六種震動一切大衆以妙華香種

國 大集十七

十九

種伎樂供養於佛尊重讚歎時會菩薩各作
是言世尊我等昔來未曾聞是三昧名字況
得聞其廣說分別我今皆得如是三昧是故
報恩設此供養若有聞是三昧名字即能獲
得大利益事不失無上菩提之心佛言善哉
善哉善男子如汝所說若有衆生已於無量
無邊佛所植諸善本親近善友然後乃得聞
是三昧今時世尊說是法時於其齋中出一
菩薩身真金色三十二相八十種好放大光
明除佛光明餘無及者是時菩薩敬禮佛足
右遶七匝長跪合掌而白佛言世尊慧橋如
來致意無量問訊世尊起居輕利身無病患

大眾安不我今此界有六萬億諸菩薩等欲往聽受大集妙典并欲覲見無言菩薩及以十方諸來菩薩并復欲聞慧燈三昧善哉善哉釋迦牟尼幸為開示令諸往者悉得慧燈還來此土時舍利弗言世尊慧橋如來住何方面去此遠近世界何名而是菩薩復名何

等是六萬諸菩薩等住在何處舍利弗其佛世界在此東方過一恒河沙等恒河沙世界世界名曰金剛堅根佛号慧橋舍利弗何因緣故世界名為金剛堅根舍利弗彼佛世界地悉金剛其佛願力故致如是其身體眾生菩薩身悉金剛是故世界得如是名此菩薩者名金剛齊是人能於一念之頃破壞一切金剛諸山直至無量諸佛世界示現諸佛齋中而出以佛力及以願力是故名為金剛齊也舍利弗汝向所問如是菩薩住何處者汝今當問彼金剛齊自當答汝尔時舍利弗即問金剛齊言善男子汝言六萬億菩薩者住

在何處金剛齊言如來記汝智慧第一當以聖智觀是菩薩所住之處時舍利弗即以聖智觀之不見語金剛齊善男子我盡聖智觀悉不見大德汝之同學阿尼樓陀天眼第一當令觀之住在何處尔時阿尼樓陀以天眼觀三千大千世界亦不能見語舍利弗我以

同大集十七

二十

天眼觀不能見金剛齊菩薩言大德汝之同學若不能見不名天眼應名肉眼舍利弗言善男子汝之天眼其義云何大德我之天眼汝諸聲聞所不見色我能見之舍利弗言善男子何等色法我不能見而汝得見大德汝今得見金剛堅根世界慧橋如來及菩薩不不也善男子我唯聞名不能得見大德如是佛土如來菩薩及諸眾生我之天眼悉能得見是名菩薩清淨天眼如是天眼一切聲聞辟支佛等之所無有說是法時求聲聞者六萬眾生捨離本志發阿耨多羅三藐三菩提心各作是言願我獲得無礙佛眼不用聲聞

辟支佛等障礙之眼。爾時金剛齊菩薩即入三昧。以神通及已力。故爾一切衆悉見六萬億諸菩薩等在佛身內。生蓮華臺。至心專念聽佛所說。然不逼觸如來之身。而如來身無增無減。無有障礙。時諸大衆見是事。已供養禮敬。歡喜讚歎如來之事。不可思議。復作是

言。如來之身。智慧三昧一切悉皆不可思議。何以故。是六萬億諸菩薩等。悉住身內。無障礙。故金剛齊菩薩觀諸大衆。作如是言。諸大衆。汝等不知如來之身。如虛空耶。是無邊身。無障礙。身廣。身法。身無相貌。身無量身。耶。諸善男子。如來若欲內一切物。所謂國土城邑。

目大集十七

卅二

村屯聚落山河樹木。置身中者。亦無障礙。是故如來不可思議。善男子。十方世界無量淨土。無量菩薩來詣如來。聽大集經。成就妙色具二十八天人之相。如來亦內置其身。內何以故此土衆生。釋梵諸王。若其見者。生愧恥。故是故不令得見一人。爾時世尊功德力故。

及金剛齊菩薩力故。悉令大衆見如是等六萬億菩薩。悉從如來一毛孔出。出已禮佛。右遶七匝。却坐一面。爾時金剛齊菩薩白佛。世尊。何因緣故。無言菩薩名無言。耶。佛言。善男子。汝自諮問。無言菩薩。自當答之。金剛齊菩薩即問。無言菩薩。善男子。何因緣故。字無言。

耶。無言菩薩默然而住。二問三問。亦復如是。金剛齊言。善男子。何故不答。無言菩薩言。我求言辭。都不可得。是故默然。無所宣說。善男子。若求言辭。不可得者。云何有是。不可得之言。善男子。我答一切佛語。世語。云何名爲答。佛語。耶。善男子。我以念力受持一切諸佛所說。不忘不失。然都不見音聲字句。爲流布。故而宣說之。亦爲衆生。壞是聲字。及以文句。而演說法。云何名爲答。世語。耶。解諸衆生種種言音。隨其所言。而爲說法。善男子。汝能如是隨順說法。爲久近耶。善男子。我從除滅覺觀已來。能你是說。善男子。何因緣故。你如是說。

善男子若無覺觀聲云何出以是因緣作如是說善男子夫聲出者為從身出從心出耶善男子夫音聲者不在身心何以故身如草木心如幻化眾因緣故有聲而出若從緣出即是無常若無常者即是無定無常無定即是空無夫音聲者猶如虛空不可覩見不可宣說如虛空一切諸法亦復如是若聲無者聲所了法亦復是無是聲空故一切法空聲寂靜故諸法寂靜聲不可見一切諸法亦不可見聲不出生一切諸法亦不出生若不出生即無去來若無去來即是甚深十二因緣甚深因緣無作無屬若無作無屬即無生出無回大集十七生無出即是無句若無句者即是不生眼色及識乃至法識無有生老病死等苦日月光明怨親之想斷一切行難可覩見不近不遠金剛齊言善男子如是等說是何等說善男子如是即是畢竟不出善男子何等名為畢竟不出善男子不近不遠是畢竟不出善男

子何等名為不近不遠善男子即是虛空若見諸法如虛空者是名平等善男子以何義故名一切法如虛空耶善男子過去之法無有終竟未來現在亦無終竟三世無終即是實相即是無二二者所謂眼色耳聲鼻舌舌味身觸心法是名為二若有二者即是可說若無二者即不可說不可說者即是無識無心無意以是義故不可宣說夫可說者即是二法不可說者即是無二善男子誰作是二善男子夫無二者不可作二二亦不可作於無二若堅牢者不可作脆脆亦不可作於堅牢生死之法不作無二涅槃之法不得作二正見之性不作邪見邪見之性不作正見金剛齊菩薩白佛言世尊無言菩薩凡所解說似得如是慧燈三昧佛言善哉善哉善男子汝謂無言不得慧燈三昧耶尔時金剛堅根世界慧橋如來諸菩薩等語無言菩薩言善男子汝住何地能作是答無言菩薩言善男

回大集十七

卅三

子如佛所說菩薩摩訶薩若住戒地能如是
善哉善哉唯願解說如是戒地善
男子若無身住心住意住內住外住及內外
住即是住戒善男子若無相無命無作無行
即是住戒若有菩薩住如是戒即是無住若
無住者終不生念我能出聲有所演說善男
子如汝所問住在何地能如是答者我住法
性實相法界能如是答若如是知法真實者
則無覺觀若無覺觀云何有說諸菩薩言善
男子如是說時爲何所說善男子如是說時
則說二法一者滅盡二者不出一者過去二
者未來現在不住故不可說善男子過去之
法不可作相未來現在亦復如是若使有人
於三世法而作相者即是顛倒是故一切諸
法之義不可宣說一切法義身口意等所不
能說何以故無業無作無有色貌無有口業
無有覺觀猶如響相如佛化故善男子諸佛
菩薩凡所言說皆逆世語是故一切諸佛善

薩不可思議諸佛菩薩所有智慧不可思議
不可窮盡不動法界爾時一切菩薩摩訶薩
同聲讚歎無言菩薩善哉善哉善能分別如
是法門令我等輩得大利益并得覲見如是
無量諸大菩薩金剛齊語無言菩薩言善男
子我欲與汝俱還金剛堅根世界覲見供養
慧橋如來無言菩薩言善男子金剛堅根世
界即是此間娑婆世界慧橋佛者即是釋迦
牟尼如來我何用往彼佛世界金剛齊言善
男子此佛世界地非金剛云何而言即被世
界無言菩薩言善男子汝之神通能壞無量
金剛之山直過無礙汝今試壞此土微塵如
其壞者然後乃知汝名金剛爾時無言即便
入於金剛三昧悉變此土一切山林草本微
塵皆爲金剛時金剛齊盡其神通乃至不能
破一微塵時金剛齊白佛言世尊我之神力
能壞一切世界金剛及諸山壁以何緣故今
於此土乃至不能壞一微塵爲是如來神通
也

大方等集經
卷第十七

七

之力為是無言道德力耶佛言善男子是無言菩薩入金剛三昧三昧力故令此三千大千世界一切所有悉為金剛若欲復使無量世界為金剛者其力亦能金剛齊菩薩言世尊菩薩摩訶薩具足幾法能得如是金剛三昧佛言善男子菩薩摩訶薩具足四法則能獲得如是三昧何等為四一者至心念於菩提二者所作善法畢竟三者至心莊嚴善法願向善提四者能觀十二因緣是名為四復有四法一者成就神通二者修三脫門三者持戒精進常觀法界知一切法無有根本無有覺觀不可宣說四者知義知時知實知一切法皆悉平等是名為四復有四法一者從大悲心求大智慧二者從善方便求三十七助善提法三者從大慈心觀諸衆生一切平等四者從於捨心觀四真諦復有四法所謂身口意業及善提心不可沮壞悉如金剛善男子菩薩摩訶薩具足成就如是等法則能

獲得金剛三昧說是法時六萬億菩薩一切悉得金剛三昧爾時無言啓白其父師子將軍尊者佛出世間即是具足無量功德大功德聚即是如來佛出世時無量衆生得大利益大利益者即是涅槃大涅槃者常不變易尊者何故不發阿耨多羅三藐三菩提心其父益言吾初生時已發阿耨多羅三藐三菩提心爾時亦有諸天來勸如汝無異如是事者唯佛證知師子將軍所將眷屬滿五百人悉發阿耨多羅三藐三菩提心爾時無言菩薩讚其眷屬善哉善哉善哉善哉善哉善哉善哉諸眷屬言云何名為莊嚴善提之心無言菩薩言有四十事莊嚴善提心何等四十所謂信佛不疑不動法界供養聖衆親近善友於諸菩薩作醫王想於諸衆生其心平等供養恭敬諸師和上父母有德順受其語護法求法至心聽法既受持已為人廣說供養恭敬護法之人為他說法不生食想破壞憍慢知

目大集上

六五

恩報恩常善思惟如法而住能施難施至心護戒精進勤修一切善法具足成就功德莊嚴心無嫉妬護諸眾生防制煩惱調伏其心及以他心調諸眾生能斷煩惱知足寂靜修淨梵行不斷聖種世法不汙供養恭敬說法之人隨順世間遠離懈怠無有放逸不求下

乘善提之心初不動轉處在生死心不厭悔遠離一切不善之法具足一切純善妙法莊嚴梵行是名四十餘時師子將軍言汝當時時示現其身為令我等不退無上善提之心無言菩薩言尊者具足十法常得親近諸佛菩薩何等為十所謂自捨已樂以施眾生修習忍辱護無力者常勸眾生修習善法化導一切趣向善提願諸眾生先得阿耨多羅三藐三善提我當供養聽其所說受持擁護然後我當成無上道知實法性不惜身命為護法故聞深法界不生恐怖觀無善提無有得者觀已平等一切眾生亦復平等以眾生等

觀法亦等以法平等觀虛空等觀生死苦亦不捨離見生死過心無悔退具足如是諸善法者常得親近諸佛菩薩說是法時師子將軍及諸眷屬得柔順忍亦時世尊告阿難言阿難汝當受持讀誦書寫如是經典何以故是經典中分別演說一切法相亦令無量無

廿六

邊眾生發阿耨多羅三藐三善提心阿難若有能於無量佛所植諸善本是人乃能信受是經持讀誦寫廣分別義受是經者有三事一者定發阿耨多羅三藐三善提心二者得不退心三者能護正法亦時大眾聞是語已有七那由他菩薩即從座起白佛言世尊我等能於如來滅後受持是經讀誦書寫無言菩薩言世尊如來世尊得何等法而令是等受持守護善男子若能護是持法之人即是護法所謂書寫讀誦解說文字文字可說法不可說善男子有二種人能守護法一者如法而住二者誦是文字若無文字法不可說

尔時一切大眾及師子將軍所將眷屬諸天
世人聞是法已心大歡喜信受奉行

延聖寺比丘徒書

大方等大集經卷第十七

大方等大集經卷第十八

北涼天竺三藏曇無讖於姑威譯

目 國三

不可說菩薩品第七

有別刊

尔時世尊故在欲色二界中間大寶坊中與
諸大眾圍繞說法是時會中有一菩薩名不
可說從座而起更整衣服偏袒右肩前禮佛

足長跪合掌而說偈言

無礙智慧無礙行	如虛空性不可說
三世平等無覺觀	我今敬禮無上尊
觀於無相樂寂靜	調伏諸根遠離相
了諸法性無有二	我禮人中師子王
觀衆生性及法性	如是二性無差別

等心觀於諸衆生	今我禮斷一切性
所得菩提無所得	如菩提性色亦尔
無相莊嚴莊嚴相	我今敬禮無上尊
一切法界無覺觀	凡夫觀之有相行
法界之性不破壞	佛真實知故我禮
如來身業不可說	口業意業亦如是

一切法性及衆生	無上勝尊了了知
如來住於真實地	所可演說無聲字
衆生樂聞得大利	是故如來難思議
所說諸法無相貌	調伏衆生斷諸相
善說衆生法性空	是故我禮大丈夫
尔時不可說菩薩偈讚佛已白佛言世尊此	

會菩薩各各皆當已諮請竟我今於是大集
經中復欲少問唯願如來垂哀聽許佛言善
哉善哉善男子隨疑致問吾當為汝分別解
說尔時不可說菩薩即蒙許可即入定意入
定意已悉令大眾處大寶臺上虛空中而散
華香種種伎樂而以供養復出是聲是不可